

**BOSNA I HERCEGOVINA
FEDERACIJA BIH
ZENIČKO-DOBOJSKI KANTON
Press služba**

Zenica, 30.05.2018. godine

SAOPĆENJE VLADE ZDK

REKONSTRUKCIJA PUTA ZENICA-BABINO-ARNAUTI

Nakon što je Vlada Zeničko-dobojskog kantona, na prijedlog Kantonalne direkcije za ceste, donijela Odluku o obezbjeđenju milion KM za rekonstrukciju puta Zenica-Babino-Arnauti i nekoliko održanih sastanaka sa predstavnicima mjesnih zajednica sa ovog područja, na današnjoj sjednici Gradskog vijeća od strane gradonačelnika Zenice izkazana je sumnja u vezi sa obezbjeđenjem ovih sredstava.

S ciljem istinitog informisanja javnosti i potvrde opredjeljenosti Vlade ZDK za realizaciju ovog projekta, dajemo na uvid akte Vlade kantona vezane za rekonstrukciju ceste Zenica-Babino-Arnauti:

1. Odluka o obezbjeđenju sredstava u iznosu od milion KM za rekonstrukciju,
2. Protokol o realizaciji Projekta rekonstrukcije lokalne ceste Zenica-Babino-Arnauti.

Vlada Kantona očekuje odgovor Grada Zenica radi što brže realizacije Projekta u interesu građana koji svakodnevno koriste ovaj put.

Press služba ZDK

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 07/10) Vlada Zeničko-dobojskog kantona, na 142. sjednici, održanoj 25.04.2018. godine, d o n o s i

ODLUKU

Član 1.

(Predmet odluke)

Vlada Zeničko-dobojskog kantona opredjeljuje sredstva planirana u Budžetu Zeničko-dobojskog kantona („Službene novine Zeničko-dobojskog kantona“, broj: 1/18) na razdjelu 19, budžetska organizacija 03, potrošačka jedinica 00001 – Kantonalna direkcija za ceste, ekonomski kod 821600 – budžetska pozicija „Rekonstrukcija i investiciono održavanje“ u iznosu od 1.000.000,00 KM za realizaciju projekta „Rekonstrukcija I faze lokalne ceste Zenica – Babino – Arnauti“.

Član 2.

(Provođenje odluke)


Za realizaciju ove Odluke zadužuju se Ministarstvo finansija i Ministarstvo za prostorno uređenje, promet i komunikacije i zaštitu okoline- Kantonalna direkcija za ceste, svako u okviru svoje nadležnosti.

Član 3.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02- 14-7049 /18.
Datum, 25.04.2018. godine
Z e n i c a



- DOSTAVLJENO:
- 1x Ministarstvo finansija,
 - 1x Ministarstvo za prostorno uređenje, promet i komunikacije i zaštitu okoline,
 - 1x Kantonalna direkcija za ceste,
 - 1x „Službene novine Zeničko-dobojskog kantona“,
 - 1x a/a.



Broj: 12-27-8427-1/18
Zenica, 28.05.2018.godine

GRAD ZENICA
Trg BiH broj 6, Zenica
n/r g-din Fuad Kasumović, gradonačelnik

PREDMET: Protokol o zajedničkom učešću u realizaciji projekta, dostavlja se

Poštovani,

u prilogu Vam dostavljamo 4 (četiri) potpisana i ovjerena primjerka Protokola o zajedničkom učešću u realizaciji projekta rekonstrukcije lokalne ceste Zenica – Babino - Arnauti, dionica II u dužini l = 1796,84 m, grad Zenica.

Molimo Vas da, nakon što potpišete i ovjerite Protokol, 2 (dva) potpisana i ovjerena primjerka vratite na našu adresu.

S poštovanjem!

Prilog: 4x Protokola o zajedničkom učešću u realizaciji projekta

Dostavljeno:
1x Grad Zenica
1x a/a


MINISTAR

Fahrudin Brkić, ministar

PROTOKOL
o zajedničkom učešću u realizaciji projekta

1. Kantonalna direkcija za ceste – koju zastupa direktor Refik Zeković (u daljem tekstu: Direkcija), uz saglasnost ministra Ministarstva za prostorno uređenje, promet i komunikacije i zaštitu okoline Zeničko-dobojskog kantona, i
2. Grad Zenica, kojeg zastupa gradonačelnik Fuad Kasumović (u daljem tekstu: Grad Zenica), zaključili su:

Protokol o zajedničkom učešću, s ciljem realizacije Projekta rekonstrukcije lokalne ceste Zenica – Babino - Arnauti, dionica II u dužini l = 1796,84 m, a koji će se finansirati iz budžetskih sredstava Zeničko-dobojskog kantona u iznosu od 1.000.000,00 KM, shodno Odluci Vlade Zeničko-dobojskog kantona broj: 02-14-7141/18 od 25.04.2018. godine.

Strane ovog protokola preduzeće korake, predstavljene u alinejama protokola dole u tekstu, zajedno ili samostalno, a sve s ciljem podrške provođenju projekta.

Potpisnici Protokola su se dogovorili o slijedećem:

- Strane utvrđuju da je Direkcija do dana sklapanja ovoga protokola završila postupak izrade tehničke dokumentacije.
- Nosilac aktivnosti na pribavljanju potrebnih dozvola i saglasnosti je Grad Zenica.
- Nosilac aktivnosti na pripremi tenderske dokumentacije i definisanju javnog poziva u skladu sa Zakonom o javnim nabavkama BiH je Direkcija.
- Nosilac aktivnosti na izboru izvođača radova u skladu sa Zakonom o javnim nabavkama BiH je Direkcija, uz obavezu da u Komisiju za javne nabavke imenuje najmanje jednog predstavnika iz Grada Zenica.
- Ugovore zaključuje Direkcija kao naručilac, sa odabranim izvođačima radova, nakon dostavljanja potrebnih dozvola i odobrenja od strane Grada Zenica.
- Sve aktivnosti na izboru izvođača radova i potpisivanje Ugovora moraju se završiti do kraja tekuće godine, uprotivnom se planirana sredstva neće moći realizirati u 2019. godini.
- Stručno-tehnički nadzor nad izvođenjem radova osigurat će Direkcija.
- Grad Zenica je nosilac aktivnosti oko tehničkog pregleda izvedenih radova uz obavezu da u komisiju za vršenje pregleda imenuje predstavnika Direkcije
- Nosilac aktivnosti na praćenju projekta u garantnom periodu i otklanjanju uočenih nedostataka na okončanom projektu je Direkcija i Grad Zenica

Protokol je sačinjen u 4 /četiri/ istovjetna primjerka od kojih svaka strana zadržava po 2 /dva/.

GRAD ZENICA

Kantonalna direkcija za ceste

Fuad Kasumović, gradonačelnik

Refik Zeković, direktor

Broj: _____

Broj: 12-27-8427/18

Datum: _____

Datum: 28.05.2018. godine

SAGLASAN

Fahrudin Brkić, ministar